

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-102/17
Vareš, 27.04. 2017. godine

Z A P I S N I K
s 5. sjednice Općinskog vijeća Vareš,
održane 30.03. 2017. godine

Kenan Kamenjaš – predsjedavajući Općinskog vijeća Vareš, otvorio je 5. sjednicu s početkom u 13,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Đemo, Kuhar Darija, Marošević Mario, Mirčić Mario, Muftić Safeta, Muftić Anel, Mušanović Nedžad, Ridić Krno, Romić Branko, Rožajac Elvir, Šimić Nikola i Turki Fadila.

Odsutni: Nema.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, šef kabineta općinskog načelnika – gosp. Ibrahim Spahić, pomoćnici općinskog načelnika – gosp. Ermin Musa, gosp. Čedomir Jelić, gosp. Rusmir Berberović, ispred općinskih službi gosp. Borp Anđić, gosp. Dragan Orozović, gosp. Emina Čizmo i gosp. Stela Andrić, ispred PVJ – gosp. Izudin Muftić, predsjednici političkih partija i predstavnici medija.

Sekretar OV Leon Pavlović izvijestio je Vijeće o realizaciji Zaključaka i odgovorima na postavljena vijećnička pitanja sa 4. sjednice OV održane 28.02. 2017. godine. Na 4. sjednici OV donesena su dva (2) zaključka. Jedan zaključak je realizovan a jedan je u toku realizacije. Postavljeno je šesnaest (16) vijećničkih pitanja. Na dva (2) pitanja podnosioci su dobili pismeni odgovor i na četrnaest (14) pitanja Općinski načelnik je dao usmene odgovore na samoj sjednici.

Općinski načelnik Zdravko Marošević u okviru aktuelne problematike na području općine Vareš za današnju sjednicu u svom obraćanju upoznao je prisutne sa potencijalnim ulaganjima na području općine Vareš, aktivnostima u vezi prodaje sportsko-rekreacionog centra „Doli“, zakonske procedure koja se odnosi na zamjenu nekretnina između firme „Alma-Ras“ i Općine Vareš i aktivnostima koje se odnose na Stacionar Doma zdravlja u Vareš Majdanu i mogućnost otvaranja Staračkog doma. Podsjetio je prisutne da je Vlada ZDK bila u posjeti općini Vareš. Upoznao je prisutne o održanom sastanku sa direktorom „Terminala Federacije“ d.o.o. Sarajevo.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



(Vijećnička pitanja)

Emir Islamović

1. Uputio je pitanje načelniku: Dokle je došlo sa izgradnjom pretovarne stanice u vezi sa deponijom otpada Kota, kao i rješavanje imovinsko – pravnih odnosa iste, obzirom da je 2012.godine urađen Plan prilagođavanja i upravljanja otpadom koji je urađen od strane Općine?
2. Da li se može uraditi rasvjeta na parkingu kod radionice „Prkić“, kada se bude radila rekonstrukcija rasvjete prema Vareš Majdanu, jer je u proteklom periodu dolazilo do obijanja auta, a sve zbog neosvjetljenosti ovog parking prostora?

Alma Kamenjaš

3. Uputila je pitanje nadležnim službama: U kojoj mjeri su aktivne nadležne službe kako sa nivoa Općine tako i Kantona, kako bi se sankcionisala fizička i pravna lica koja otpadom i smećem zagađuju okolinu? (o postavljenom pitanju dala je dodatno obrazloženje)
Informisala je prisutne da na izlazu iz Dabravina prema Brezi (dio puta 30 m prije nadvožnjaka) konstantno dolazi do obrušavanja krupnog i sitnog kamena što dovodi do ozbiljnog uticaja na sigurnost odvijanja saobraćaja.

Kruno Ridić

4. Kada će se uraditi nešto kako bi se rupe, ulegnuća, itd., popunile na parkingu kod „K“ objekata, kako bi se parking doveo na jedan nivo kakav i zaslužuje, kao i osvjetljenje istog, i kada će se ulazi i prolazi kod ovih objekata osvijetliti, jer mrak na ovom prostoru predstavlja opasnost za prolaznike?
5. Kada će se put prema Planinici, tačnije od trafo stanice do stare strijeljane, očistiti i osvijetliti? (o postavljenom pitanju dao je dodatno obrazloženje)

Nedžad Mušanović

6. Dokle je stiglo sa realizacijom odobrenih finansijskih sredstava za školu u Ravnima i da li ima naznaka kada bi se mogla osigurati sredstva za potpuni završetak radova na školi, kako bi učenici krenuli na nastavu u novoizgrađeni školski objekat?
7. Da li postoji mogućnost da cijena mjesečne karte bude niža za učenike srednjih škola? (o postavljenom pitanju je dao dodatno obrazloženje)

Demo Kevrić

8. Može li se pokrenuti inicijativa mještana sa više mjesnih zajednica, kako bi se uputio dopis ŠPD-u PJ Vareš da se na vrijeme razmisli o načinu obezbijedenja ogrjevnog drveta za novu grejnu sezonu, sa njihovom željom da se otvori stovarište ogrjevnog materijala u gradu?

9. Uputio je pitanje načelniku : Kada će se uraditi završetak rasvjete u MZ Striježevo? (o postavljenom pitanju je dao dodatno obrazloženje).

Elvir Rožajac

10. Šta je sa stradalim kućama porodica u Stupnom Dolu, šta je sa trajnim zbrinjavanjem ovih porodica i kada će se pomoći ovim ljudima po ovom pitanju?
11. Kada će nadležne službe izaći na teren kako bi se izvršilo mjerenje parcele i prijelaznog puta do dvorišta džamije u Ravnima, jer je investitor koji je u blizini vjerskog objekta kupio ovu parcelu uzurpirao prijelazni put i ovim činom ugrozio prijelazni put do džamije?
(o postavljenom pitanju je dao dodatno obrazloženje)

Mirnes Ajanović

12. Pitanje je uputio nadležnim službama: Da li postoji mogućnost rušenja drveća ili bar kresanja grana kod zgrade blok „D-1“ jer građani imaju problema prilikom vremenskih nepogoda i jakog vjetrova, i pucanje ovih grana može ugroziti kako odrasle tako i djecu, jer se u blizini ove zgrade nalazi park? (o postavljenom pitanju dao je dodatno obrazloženje)

Adis Čizmo

13. Pitanje je uputio nadležnim službama: Kada će se u ulici Zukići očistiti divlja deponija smeća i ukloniti devastirana kuća, koja je zajedno sa deponijom potencijalni izvor zaraze, upućujući molbu prema nadležnim službama da upute zahtjev prema JKP da riješe ovaj problem u navedenoj ulici? Ovo pitanje se odnosi i na deponiju smeća na prostoru kod jezera „Nula“.
14. Da li postoji mogućnost rješavanja problema u vezi odlaganja ogrjevnog materijala u zimskoj sezoni za stanare zgrade O-5, jer nemaju prostor za odlaganje, prenoseći prijedlog građana da se na prostoru dječijeg parka, koji više nije u funkciji, a koji se nalazi u blizini ove zgrade, naprave šupe i na ovaj način trajno riješi problem stanara zgrade O-5?

Branko Romić

15. Da li postoji mogućnost da se put u ulici Ćamilov potok, tačnije sporedni put koji je izgrađen na relaciji privatne kuće Rakanović Blagomira do ambulante u Vareš Majdanu, uredi na jedan bolji način i kvalitetnijim materijalom, jer isti služi kao prečica, a može čak biti i vatrogasni put? (o postavljenom pitanju je dao dodatno obrazloženje)
16. Može li se na neki način regulisati ispravnost voda u školama? (o postavljenom pitanju dao je dodatno obrazloženje)

Općinski načelnik dao je usmene odgovore na većinu postavljenih pitanja vijećnika.

Predsjedavajući OV stavio je na raspravu Zapisnik sa 4. sjednice OV.

Za riječ su se javili vijećnici Fadila Turki (iznijela mišljenje u vezi gosp. Dragana Bulajića koji je bio prisutan na prošloj sjednici OV), Đemo Kevrić (sugerisao je da se u zapisnicima u dijelu gdje su navedeni rezultati izjašnjavanja, navodi i naziv političke partije) i Mirnes Ajanović (podsjetio je na svoju sugestiju sa prošle sjednice u vezi podataka o vijećničkim pitanjima). Sekretar OV Leon Pavlović dao je pojašnjenje u vezi iznesene sugestije vijećnika Đeme Kevrić.

Nije bilo primjedbi i predsjedavajući OV stavio je na izjašnjavanje Zapisnik sa 4. sjednice OV i nakon izjašnjavanja vijećnika konstatuje da je **jednoglasno (19 glasova „ZA“) usvojen Zapisnik sa 4. sjednice OV.**

Predsjedavajući OV stavio je na raspravu prijedlog dnevnog reda za 5. sjednicu OV koji je usaglašen na Kolegiju Općinskog vijeća.

Ispred predlagača Ermin Musa pomoćnik načelnika predložio je izmjenu naziva 13. tačke prijedloga dnevnog reda, (*tačka 13. „ Prijedlog Zaključka o davanju saglasnosti na Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2017. godinu.“*)

Predsjedavajući OV stavio je na izjašnjavanje prijedlog dnevnog reda 5. sjednice OV sa usvojenom izmjenom naziva tačke 13.

Nakon izjašnjavanja vijećnika predsjedavajući OV konstatuje da je **jednoglasno (19 glasova „ZA“) usvojen sljedeći**

Dnevni red:

1. Izvještaj o izvršenju budžeta/proračuna Općine Vareš za period januar/siječanj-decembar/prosinac 2016. godine.
 - Izvjestilac: Općinski načelnik.
2. Izvještaj o radu Općinskog načelnika za 2016. godinu.
 - Izvjestilac: Općinski načelnik.
3. Prijedlog Odluke o uspostavi registra budžetskih/proračunskih korisnika Općine Vareš.
 - Izvjestilac: Općinski načelnik
4. Prijedlog Odluke o načinu i naknadama za pružanje usluga Profesionalne vatrogasne jedinice Vareš fizičkim i pravnim licima.
 - Izvjestilac: Rusmir Berberović.
5. Prijedlog Odluke o izmjeni i dopuni Odluke o izboru stalnih radnih tijela Općinskog vijeća Vareš.
 - Izvjestilac: Sekretar OV
6. Prijedlog Rješenja o prenosu prava posjeda vlasništva i utvrđivanje prava vlasništva u korist Općine Vareš na nekretninama kao k.č. broj 1355/2 Droškovac, Vareš.
 - Izvjestilac: Ermin Musa
7. Prijedlog Zaključka o pokretanju postupka prodaje nekretnine.
 - Izvjestilac: Ermin Musa
8. Prijedlog Pravilnika o uslovima za obavljanje poslova upravitelja.
 - Izvjestilac: Ermin Musa

9. Prijedlog Uputstva o načinu promjene upravitelja.
 - Izvjestilac: Ermin Musa
10. Izvještaj o rješavanju upravnih stvari u upravnom postupku svih općinskih službi za upravu u 2016. godini.
 - Izvjestilac: Čedomir Jelić.
11. Izvještaj o provođenju Odluke o komunalnom redu općine Vareš za 2016. godinu.
 - Izvjestilac: Ermin Musa
12. Informacija o provođenju Strategije razvoja poljoprivredne proizvodnje na području općine Vareš za period 2013-2018. godine , za 2016. godinu.
 - Izvjestilac: Ermin Musa
13. Prijedlog Zaključka o davanju saglasnosti na Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2017. godinu.
 - Izvjestilac: Ermin Musa.
14. Informacija o provođenju Strategije prema mladima općine Vareš za period juni 2013 – juni 2016. godine, za 2016. godinu.
 - Izvjestilac: Čedomir Jelić
15. Tekuća pitanja

Ad. 1.

(Izvještaj o izvršenju budžeta/proračuna Općine Vareš za period januar/siječanj – decembar/prosinac 2016. godine.)

Komisija za privredu, finansije i budžet na 2. sjednici održanoj 20.03.2017. godine jednoglasno je donijela sljedeći Zaključak:

- Komisija prihvata Izvještaj o izvršenju budžeta/proračuna Općine Vareš za period januar/siječanj – decembar/prosinac 2016. godine, godinu, te isti upućuje Vijeću na razmatranje.

- Komisija sugeriše nadležnoj Službi organa uprave da pravovremeno reaguje u slučaju prekoračenja stavki u odnosu na planirani iznos u Budžetu Općine Vareš za 2017. godinu.

Ispred predlagача Ermin Musa pomoćnik načelnika upoznao je prisutne sa tehničkom greškom na strani 3. u Izvještaju.

Otvorena je rasprava u kojoj su svoje stavove, primjedbe, mišljenja i pitanja iznijeli vijećnici: Krno Riđić, Branko Romić, Đemo Kevrić, Elvir Rožajac, Fadila Turki i Općinski načelnik Zdravko Marošević koji je dao pojašnjenje za ovu tačku dnevnog reda i iznio mišljenje u vezi navedenih podataka u Izvještaju i diskusija vijećnika.

Zaključena je rasprava i predsjedavajući stavio je na izjašnjavanje Izvještaj o izvršenju budžeta/proračuna Općine Vareš za period januar/siječanj – decembar/prosinac 2016. godine uz Zaključak Komisije za privredu, finansije i budžet.

Nakon izjašnjavanja vijećnika predsjedavajući OV konstatuje da je sa **10 glasova „ZA“**, **7 glasova „PROTIV“** i **2 „SUZDRŽANA“ glasa usvojen**

Izvještaj o izvršenju budžeta/proračuna Općine Vareš za period januar/siječanj – decembar/prosinac 2016. godine.

Ad. 2.

(Izveštaj o radu Općinskog načelnika za 2016. godinu.)

Otvorena je rasprava u kojoj su svoje stavove, prijedloge, primjedbe i mišljenja iznijeli vijećnici: Elvir Rožajac, Mirnes Ajanović, Kruno Ridić, Đemo Kevrić (predložio je da se u idućem Izveštaju navedu rezultati koji su ostvareni prilikom posjeta općini Vareš određenih delegacija) i Općinski načelnik koji je iznio svoje mišljenje u vezi ove tačke dnevnog reda i diskusija vijećnika.

Zatvorena je rasprava i predsjedavajući OV stavio je na izjašnjavanje Izveštaj o radu Općinskog načelnika za 2016. godinu.

Nakon izjašnjavanja vijećnika predsjedavajući OV konstatuje **da sa 6 glasova „ZA“, 5 glasova „PROTIV“ i 8 „SUZDRŽANIH“ glasova nije usvojen**

Izveštaj o radu Općinskog načelnika za 2016. godinu.

Ad.3.

(Prijedlog Odluke o uspostavi registra budžetskih/proračunskih korisnika Općine Vareš.)

Komisija za statutarna pitanja na 3. sjednici održanoj 20.03.2017. godine jednoglasno je donijela sljedeći Zaključak:

- Komisija prihvata Prijedlog Odluke o uspostavi registra budžetskih/proračunskih korisnika Općine Vareš, s tim da se u članu 3. riječi „su odluke“ zamjenjuju riječima „je odluka“, te da se riječi „djelokrug općinskih organa“ zamjenjuju riječima „jedinstvenog općinskog organa uprave i stručne službe Općinskog vijeća Općine Vareš“. Zatim, član 4. i član 5. spajaju se u jedan član, tj. član 4., koji se mijenja i glasi: „Budžetski korisnici, koji će biti upisani u registar, nakon stupanja na snagu ove Odluke su: Jedinstveni Općinski organ uprave i javne ustanove.“ Član 5. se briše, član 6. postaje član 5. i tako se do kraja Odluke, članovi umanjuje za jedan broj. Ovlašteni predlagatelj Odluke prihvatio je primjedbe Komisije.

Komisija za privredu, finansije i budžet na 2. sjednici održanoj 20.03.2017. godine jednoglasno je donijela sljedeći Zaključak:

- Komisija nema primjedbi na Prijedlog Odluke o uspostavi registra budžetskih/proračunskih korisnika Općine Vareš, prihvata stav Komisije za statutarna pitanja i propise, te je upućuje Vijeću na razmatranje.

Otvorena je rasprava u kojoj je vijećnica Safeta Muftić uputila sugestiju u vezi strukture organizovanja Službe za privredu, finansije i trezor o čemu je dala i pojašnjenje.

Ispred predlagача Ermin Musa dao je pojašnjenje na iznesenu sugestiju vijećnice Safete Muftić.

Zaključena je rasprava i predsjedavajući OV stavio je na izjašnjavanje Prijedlog Odluke o uspostavi registra budžetskih/proračunskih korisnika Općine Vareš uz Zaključak Komisije za statutarna pitanja i propise.

(vijećnik Mirnes Ajanović nije prisutan)

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“)** usvojena

Odluka o uspostavi registra budžetskih/proračunskih korisnika Općine Vareš.

Ad.4.

(Prijedlog Odluke o načinu i naknadama za pružanje usluga Profesionalne vatrogasne jedinice Vareš fizičkim i pravnim licima.)

Komisija za statutarna pitanja na 3. sjednici održanoj 20.03.2017. godine jednoglasno je donijela sljedeći Zaključak:

- Komisija vraća Prijedlog Odluke o načinu i naknadama za pružanje usluga Profesionalne vatrogasne jedinice Vareš fizičkim i pravnim licima na doradu ovlaštenom predlagачu, navodeći da ista mora biti jasnija i preciznija, a posebno dio Odluke koji se odnosi na razdvajanje redovnih i vanrednih nadležnosti PVJ Vareš, u odnosu na pružanje usluga koje će pružati trećim licima.

Ispred predlagачa pomoćnik načelnika Rusmir Berberović dao je dodatno pojašnjenje za ovu tačku dnevnog reda i na osnovu stava Komisije za statutarna pitanja i propise predložio je da se doda novi član 2. Prijedloga Odluke koji glasi:

„Pod uslugama iz člana 1. ove Odluke podrazumijeva se dežurstvo na javnim skupovima a po zahtjevu pravnog ili fizičkog lica, prijevoz pitke vode po zahtjevu pravnog ili fizičkog lica, kao i usluge gašenja požara od strane Profesionalne vatrogasne jedinice Vareš na teritoriji druge općine ili na području koje je u nadležnosti drugog pravnog lica a po njihovom zahtjevu kao i druge usluge navedene u tarifniku.“

Dosadašnji član 2. postao bi član 3. i tako se svi članovi povećavaju za jedan broj.

U dosadašnjem članu 2. riječi „PVJ“ zamjenjuju se riječima „Profesionalne vatrogasne jedinice“, u članu 6. riječi „Služba za finansije“ zamjenjuje se riječima „Služba za privredu, finansije i trezor“ i dosadašnji član 8. da glasi „Ova Odluka stupa na snagu osmog dana od dana objavljivanja na oglasnoj tabli Općine Vareš.“

Otvorena je rasprava u kojoj su učestvovali vijećnik Mario Mirčić (sugerisao je da se u Prijedlogu Odluke navede da se u izuzetnim slučajevima usluge mogu izvršiti po pozivu fizičkih i pravnih lica), Općinski načelnik koji je iznio svoje mišljenje u vezi ove tačke dnevnog reda i iznesenih prijedloga i pomoćnik načelnika za Civilnu zaštitu Rusmir Berberović.

Zaključena je rasprava i predsjedavajući OV stavio je na izjašnjavanje Prijedlog Odluke o načinu i naknadama za pružanje usluga Profesionalne vatrogasne jedinice Vareš fizičkim i pravnim licima sa dopunom iznesenom od strane ovlaštenog predlagачa i prihvaćenom sugestijom vijećnika Marija Mirčić.

Nakon izjašnjavanja vijećnika predsjedavajući OV konstatuje **da je jednoglasno sa (19 glasova „ZA“)** usvojena

Odluka o načinu i naknadama za pružanje usluga Profesionalne vatrogasne jedinice Vareš fizičkim i pravnim licima.

Ad.5.

(Prijedlog Odluke o izmjeni i dopuni Odluke o izboru stalnih radnih tijela Općinskog vijeća Vareš.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izmjeni i dopuni Odluke o izboru stalnih radnih tijela Općinskog vijeća Vareš.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“)** usvojena

Odluka o izmjeni i dopuni Odluke o izboru stalnih radnih tijela Općinskog vijeća Vareš.

Ad.6.

(Prijedlog Rješenja o prenosu prava posjeda vlasništva i utvrđivanje prava vlasništva u korist Općine Vareš na nekretninama kao k.č. broj 1355/2 Droškovac, Vareš.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o prenosu prava posjeda vlasništva i utvrđivanje prava vlasništva u korist Općine Vareš na nekretninama kao k.č. broj 1355/2 Droškovac, Vareš.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“)** usvojeno

Rješenje o prenosu prava posjeda vlasništva i utvrđivanje prava vlasništva u korist Općine Vareš na nekretninama kao k.č. broj 1355/2 Droškovac, Vareš.

Ad.7.

(Prijedlog Zaključka o pokretanju postupka prodaje nekretnine.)

Otvorena je rasprava u kojoj su učestvovali vijećnik Elvir Rožajac i Općinski načelnik koji je dao pojašnjenje za ovu tačku dnevnog reda.

Zaključena je rasprava i predsjedavajući OV stavio je na izjašnjavanje Prijedlog Zaključka o pokretanju postupka prodaje nekretnine.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“)** usvojen

Zaključak o pokretanju postupka prodaje nekretnine.

Ad.8.

(Prijedlog Pravilnika o uslovima za obavljanje poslova upravitelja)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Pravilnika o uslovima za obavljanje poslova upravitelja.

Nakon izjašnjavanja vijećnika predsjedavajući konstatuje da je **jednoglasno sa (19 glasova „ZA“) usvojen**

Pravilnik o uslovima za obavljanje poslova upravitelja.

Ad.9.

(Prijedlog Uputstva o načinu promjene upravitelja.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Uputstva o načinu promjene upravitelja.

Nakon izjašnjavanja vijećnika predsjedavajući konstatuje da je **jednoglasno sa (19 glasova „ZA“) usvojeno**

Uputstvo o načinu promjene upravitelja.

Predsjedavajući OV na traženje Kluba DF dao je pauzu u trajanju od 30 minuta.

Nastavljeno je sa radom današnje sjednice.

Ad.10.

*(Izveštaj o rješavanju upravnih stvari u
upravnom postupku svih općinskih službi za upravu u 2016. godini.)*

Pomoćnik načelnika Čedomir Jelić dao je pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o rješavanju upravnih stvari u upravnom postupku svih općinskih službi za upravu u 2016. godini.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“) usvojen**

***Izveštaj o rješavanju upravnih stvari u
upravnom postupku svih općinskih službi za upravu u 2016. godini***

Ad.11.

(Izveštaj o provođenju Odluke o komunalnom redu općine Vareš za 2016. godinu.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o provođenju Odluke o komunalnom redu općine Vareš za 2016. godinu.

Nakon izjašnjavanja vijećnika predsjedavajući OV konstatuje da je sa **17 glasova „ZA“ i 1 „SUZDRŽANIM“ glasom usvojen**

Izveštaj o provođenju Odluke o komunalnom redu općine Vareš za 2016. godinu.

(vijećnik Anel Muftić nije prisutan)

Ad.12.

(Informacija o provođenju Strategije razvoja poljoprivredne proizvodnje na području općine Vareš za period 2013-2018. godine za 2016. godinu.)

Otvorena je rasprava u kojoj su učestvovali vijećnik Dženan Džafo (sugerisao da se Općina intenzivnije uključi u kontrolu upotrebe zaštitnih sredstava zbog sve većeg procenta uništavanja pčelinjih zajednica) i Općinski načelnik Zdravko Marošević.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

Informaciju o provođenju Strategije razvoja poljoprivredne proizvodnje na području općine Vareš za period 2013-2018. godine za 2016. godinu.

Ad.13.

(Prijedlog Zaključka o davanju saglasnosti na Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2017. godinu.)

Otvorena je rasprava u kojoj su svoje prijedloge, sugestije i mišljenja iznijeli vijećnici: Kruno Riđić, Mirnes Ajanović, Dženan Džafo, Đemo Kevrić i Općinski načelnik Zdravko Marošević koji je dao dodatno pojašnjenje za ovu tačku dnevnog reda i izjavio da podržava prijedloge vijećnika koji se odnose na poboljšanje uslova za rad poljoprivrede i da će Općina Vareš raditi na poboljšanju uslova za rad poljoprivrede o čemu je dao pojašnjenje.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti na Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2017. godinu.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“) usvojen**

Zaključak o davanju saglasnosti na Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2017. godinu

Ad.14.

(Informacija o provođenju Strategije prema mladima općine Vareš za period juni 2013 – juni 2016. godine, za 2016. godinu.)

Komisija za pitanja mladih na 1. sjednici održanoj 17.03.2017. godine donijela je sljedeći Zaključak:

-Komisija predlaže Vijeću da Informaciju primi k znanju i da OV donese zaključak kojim će se zadužiti nadležna Služba organa uprave da pristupi izradi novog

dokumenta Strategija prema mladima za period 2017-2020. godine, jer je ranija Strategija urađena za period juni 2013- juni 2016. godine.

Općinski načelnik u svom obraćanju skrenuo je pažnju na probleme mladih, aktivnostima i planovima kako Općina Vareš može pomoći mladima u skladu sa svojim mogućnostima.

Predsjedavajući OV stavio je na izjašnjavanje **Zaključak Komisije za pitanja mladih**, te nakon izjašnjavanja vijećnika konstatuje da je **jednoglasno sa (19 glasova „ZA“)** usvojen **Zaključak**.

Predsjedavajući OV konstatuje **uz Zaključak da je vijeće primilo k znanju**

Informaciju o provođenju Strategije prema mladima općine Vareš za period juni 2013 – juni 2016. godine, za 2016. godinu

Ad.15.

(Tekuća pitanja)

Predsjedavajući OV izvijestio je Vijeće da za današnju sjednicu nema pristigle pošte.

1. Općinski načelnik Zdravko Marošević upoznao je Vijeće o planiranim aktivnostima koje se odnose na postupak zamjene nekretnina između kompanije Alma Ras d.o.o i Općine Vareš, kao i o izgradnji Staračkog doma u Vareš Majdanu od strane potencijalnih investitora, te traži od OV da Zaključkom ovlasti načelnika o preduzimanju daljnjih aktivnostima na ovom pitanju.

Predsjedavajući OV je na osnovu izlaganja Općinskog načelnika predložio i stavio na izjašnjavanje sljedeće

Zaključke:

- a) Daje se ovlaštenje Općinskom načelniku da pokrene postupak zamjene nekretnina objekata i to: objekta u vlasništvu kompanije Alma Ras d.o.o. (kapitalna od dva sprata) i objekta S 30 (magacin teritorijalne odbrane), koji je u vlasništvu Općine Vareš.

O aktivnostima naprijed navedenog Zaključka, Općinski načelnik će obavijestiti Općinsko vijeće.

Nakon izjašnjavanja vijećnika, predsjedavajući OV konstatuje da je **jednoglasno sa (19 glasova „ZA) usvojen predloženi Zaključak.**

- b) Daje se ovlaštenje Općinskom načelniku za postupak pokretanja procedure izgradnje Staračkog doma u Vareš Majdanu. U rješavanju imovinsko-pravnih odnosa zajedno sudjeluju potencijalni investitor, Dom zdravlja Vareš i Općina Vareš.

O aktivnostima naprijed navedenog Zaključka, Općinski načelnik će obavijestiti Općinsko vijeće.

Nakon izjašnjavanja vijećnika, predsjedavajući OV konstatuje da je **jednoglasno sa (19 glasova „ZA) usvojen predloženi Zaključak.**

2. Predsjedavajući OV upoznao je Vijeće sa Inicijativom za donošenje novih/usklađivanje postojećih odluka o zaštitnim zonama i zaštitnim mjerama za izvorišta vode za javno vodosnabdijevanje broj: 192-03/17 od 14.03.2017. godine, dostavljene od JKP d.o.o. Vareš.

Predsjedavajući OV je na osnovu gore navedene Inicijative predložio da Vijeće donese zaključak kojim će se zadužiti nadležna Služba organa uprave da u roku od 90 dana donese nove odluke i izvrši usklađivanje postojećih odluka o vodozaštitnim zonama na području općine Vareš.

U raspravi su učestvovali vijećnici: Elvir Rožajac, Mario Mirčić, Kruno Riđić, predsjedavajući OV Kenan Kamenjaš i sekretar OV Leon Pavlović.

Predsjedavajući OV stavio je na izjašnjavanje sljedeći

Zaključak:

- Prihvata se Inicijativa za donošenje novih/usklađivanje postojećih odluka o zaštitnim zonama i zaštitnim mjerama za izvorišta vode za javno vodosnabdijevanje na području Općine Vareš, sa Zakonom o vodama (Službene novine FBiH, broj:70/06) i Pravilnikom o utvrđivanjem uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje (Službene novine FBiH, broj: 88/12).

- Zadužuje se Općinski načelnik i Služba za privredu, finansije i trezor da u roku od 90 dana izvrše pripreme akata u formi prijedloga i iste dostave Općinskom vijeću na razmatranje i usvajanje.

- U postupku izrade prijedloga vršiti konsultacije sa službom JKP d.o.o. Vareš.

- Ovaj Zaključak stupa na snagu danom donošenja.

Nakon izjašnjavanja vijećnika predsjedavajući konstatuje da je sa **18 glasova „ZA“ i 1 „SUZDRŽANIM“ glasom usvojen predloženi Zaključak.**

3. Predsjedavajući OV informisao je Vijeće o Obavještenju Kantonalnog tužilaštva broj: T04 0 KTA 0018167 14 od 20.03.2017. godine, koji se odnosi na akt Općinskog vijeća broj: 01-110/14 od 11.04.2014. godine u vezi Inicijative stranke BPS za reviziju privatizacije firmi na području općine Vareš. Kantonalno tužilaštvo obavještava Vijeće da je donijelo naredbu o neprovođenju istrage jer nema osnovne sumnje koje ukazuju da je počinjeno krivično djelo.

Predsjedavajući OV konstatuje da je Vijeće primilo k znanju dopis Kantonalnog tužilaštva.

4. Vijećnik Kruno Riđić ispred Kluba vijećnika Demokratske fronte predložio je Vijeću Inicijativu da se zaduže nadležne službe organa uprave da se uradi inventura lokalnih puteva koji vode do mjesnih zajednica i da se napravi prijedlog mjera za sanaciju. O predloženom dao je obrazloženje.

Općinski načelnik Zdravko Marošević u svom obraćanju izjavio je da općina Vareš ima problema sa infrastrukturom i putevima i da se može uraditi plan sanacije ali isto tako da se moraju osigurati finansijska sredstva za isti. Upoznao je prisutne o planiranim aktivnostima na sanaciji i održavanju lokalnih puteva.

5. Vijećnik Elvir Rožajac insistira da se uputi dopis nadležnim u kantonu za postavljanje ležećih policajaca i stavljanje u funkciju dijela trotoara (od mesare „Franjić“ do „Toplika) u ul. Zvijezda. Dao je pojašnjenje o istom

Općinski načelnik u svom obraćanju izvijestio je Vijeće da je Općina Vareš na sva pitanja koja su postavljena dala odgovor ili uputila dopis nadležnim. Upoznao je prisutne o aktivnostima prema Vladi ZDK ministra gosp. Fahrudina Brkić u vezi rješavanja radova na proširenju i osvjetljenju tunela kao i o postavljanju „ležećih policajaca“.

6. Vijećnik Đemo Kevrić upoznao je Vijeće da u arhivi Općine Vareš i u arhivi MZ Dabravine postoji akt koji je donio zbor građana MZ Dabravine u kome je navedeno da isti nisu dali suglasnost za izgradnju MHE na području rijeke Stavnje do Dabravina.

Sastavni dio ovog Zapisnika je audio zapis sjednice.
Sjednica je završena u 18,00 sati.

SEKRETAR

Leon Pavlović

***PREDSJEDAVAJUĆI
OPĆINSKOG VIJEĆA***

ZAPISNIČAR

Azra Ibrahimović

Kenan Kamenjaš